

# DE QUODAM INSECTO AQUATILI

---

Gian Girolamo Zannichelli

OF  
QUODAM INSECTO  
J. I. T. A. U. A

D E  
 QUODAM INSECTO  
 AQUATILI  
 EPISTOLA

ILLUSTRISSIMO DOMINO  
 CAROLO NICOLAO  
 LANGIO

Lucernens., Helvet., Phil. & Med., Acad.  
 Czf. Leopoldino-Carolin., Societ. Reg.  
 Prussicz, & Phys. Critic. Senens., nec  
 non Reip. Lucern. Senatori.

IOANNES HIERONYMUS ZANNICHELLI.



VENETIIS, MDCCXXVII.

Apud Josephum Corona.

*SUPERIORUM PERMISSU.*



*ILLUSTRISSIMÆ;*

*ac Eruditissimæ Domine !*

**E**Xperimenta ad gradus Siccitatis, & Humiditatis tum Verno, tum Æstivo tempore indagandos mihi molienti, quid inopinatò de Aquatiliū Insectorum generatione innotuerit; nulli potius communican-

A 3 dum

dum duxi , quam Tibi , Eruditissime  
 LANGI. Erit hoc meæ & erga Tuam  
 Humanitatem observantiæ , & erga  
 Tuam Doctrinam venerationis tribu-  
 tum : eoque magis quia Tibi Naturæ  
 Arcanorum sagacissimo jucundam fore  
 materiem nullatenus dubito. Aquæ præ-  
 rogativas dum secum mens reputat , &  
 mira voluptate perfunditur , & ad in-  
 timiora Physicæ Penetralia sibi faces  
 accendit . Aquas supra Firmamentum  
 constitutas Sacræ nos docent Literæ.  
 Sed earum toto planè Coelo a nobis  
 distitarum satis sit excellentiam admi-  
 rari : sublimiores namque Ætherea  
 Regione , Stellarumque omnium quasi  
 Custodes , quàm nobilibus functioni-  
 bus ab Omnipotenti Conditore destina-  
 tæ fuerint , quanta virtute ad Mundi  
 regimen præditæ conjicere quidem pos-  
 sumus , non autem scire . Inferioribus  
 igitur hisce nostris Aquis inhæreamus ,  
 easque , ceu Sanguis in Microcosmo ,  
 per totam Elementarem Regionem  
 pervadere , patet ad evidentiam . Ter-  
 ram intus ac extra undequaque irri-  
 gant ; Æthereis infixæ moleculis sursum  
 evolant , Aëri sociatæ in nubes coe-  
 unt ,

7

unt, seu in vapores condensantur; Inde amicam Terram repetentes defluunt, vel in Imbres, seu in Rorem solutæ, vel in Nivem, seu Grandiæ nem, seu Pruinam adstrictæ, semper tamen superioribus influxibus fecundatæ: Maris ex eis conflati quot, & quanta sunt commoda tum in Naturæ, tum in Artis operibus? adeo ut non nemo Philosophorum quasi quintum in illo statuerit Elementum, Aquarum avidum & munificum. Terras dum sua vastitate distrahit, commodius beneficio navigationis conjungit. Suas habet gemmas, suas plantas, sua animalia, suas peculiare functiones; adeoque peculiare quasi Regnum in Natura sortitur. Quidquid Homerus, & cum eo Thales Aquam asseruerint tanquam unicum Corporum Principium, certum est unum esse ex Elementis, quodque cum cæteris nullam gerere inimicitiam videatur, sed pari facilitare & trahat, & trahatur. Hæc pauca delibavi non ad inanem pompam, quod absit, sed ad studiosum indagacionis excitamentum. Jam

propius ad rem meam, & facti seriem  
 Tibi subjicio. De Minimis agam,  
 & quodammodo ludicris, sed dum in  
 his ludere videtur Natura, magis in-  
 terdum se probat sapientem, quàm in  
 vastis Corporibus. Non moles, sed  
 opificium, ipsius format Arcana. Cum  
 itaque de Aquæ per Elementarem  
 Regionem circuitu quædam scrutan-  
 da meditarer, aliquando forsan in  
 lucem proditura, Experimentum pro-  
 inde adorsus sub Vernum Æquinoctium,  
 Vas Vitreum selegi coniforme, Scy-  
 phorum ad instar, sed sine fulcimen-  
 to, & capacitatis ad octo circiter  
 Librarum pondo. Illud capsula li-  
 gnea firmatum sub dio ita exposui,  
 ut Aquam pluviam è Cœlo delaben-  
 tem exciperet synceram intactamque à  
 regulis, omnique alia inferiori mate-  
 ria, simulque Solaribus radiis prosta-  
 ret obnoxium. A mense circiter Va-  
 se repleto, humor exundavit, sed po-  
 stea, impluvio diù Jove, infra illius  
 summitatem paululùm defecit. Ani-  
 madverti interim Formicarum ad va-  
 sis labia confluxum, sed aliò intentus  
 nihil curabam, donec in dies número-  
 fior



sior meam excitavit curiositatem . Sus-  
 picatus proinde vel à potus indigen-  
 tia , vel à cibi alicujus pastura huius-  
 sce commutationis illicium fieri , a-  
 pto ad oculum Microscopio , Vas in-  
 terius , Aqueamque ibidem superfi-  
 ciem , quæ jam jam in subviriditatem  
 degenerabat , perlustrare cœpi . Visui  
 protinus sese meo obtulerunt ceu striæ  
 quædam Vitro adhærentes , parum ad  
 invicem diffusæ , variæ , ac ad sum-  
 mum digitalis per transversum lon-  
 gitudinis . Tum verò exarsit accuratioris  
 indagationis cupido : quapropter Vi-  
 tris Dioptricis perfectioribus , ac inten-  
 sioris refractionis usus , mirabilem Na-  
 turæ ludum , seu potius elaboratum o-  
 pus distinctè sum contemplatus . Serias  
 illas conformatas vidi Tubulorum ad  
 instar , easque intus excavatas , & o-  
 rificio utrinque aperto , Latebras Inse-  
 ctis quibusdam minimis præstare . Tan-  
 tæ erant capacitatis , ut Animalculo-  
 rum sufficerent functionibus . Illa enim  
 vario , & indefinente motu agitata ,  
 modò erumpebant , nunquam tamen  
 toto corpusculo , modò in varios flexus ,  
 & curvaturas abibant ; modò hinc in-  
 de

de sese penitus contorquebant . Caput iis est rotundum , reliquoque corpore crassius , cuius in vertice duæ surgunt Antennulæ exiles admodum , sed mobiles ac flexibiles . Insunt Oculi nigredinis eminentis intra substantiam chrySTALLINAM , qua membra constant . Os infra patet distinctum ac pellucidum , quo Canes Marinos æmularur , Corpusculum inde protenditur , Capite , ut innui , exilius , & sub initium duo descendunt Cruscula , breviora quidem , & Bombicinis non absimilia , satis tamen valida ; ut iisdem suffultum ad varios sibi sufficiat motus . In Caudam definit ceu Hirudines , multa vi adhæsiva præditam : ipsius namque extremitate Orificio Domiliaris tubuli agglutinata , exterius Animalcula vibrant Corpusculum , ac per Vitri superficiem internam gyros peragunt , & revolutiones . Fibris constant miro pollentibus elaterio , dum ad quamlibet Vasis , seu Aquæ agitationem , ictu oculi sese contrahunt , & Latebras repetunt . Diaphana sunt , ac proinde in inferiori Ventris parte Moleculæ quædam

vi-

visuntur obscuræ ; inter se contigæ ,  
 ac ovalis figuræ . Has pluries contem-  
 platus deprehendi Excrementa esse ci-  
 bi digesti , & mirabilem eorum usum .  
 Postquam enim Animalculum quando-  
 que capite deorsum inverso eadem eje-  
 cit , dum vi expulsiva per Tubulum  
 feruntur , accurrit protinus , eosque  
 foeculentos globulos ipsius Tubuli ex-  
 tremiati ore , & toto rictu aptat ,  
 eriusculis comprimit , collectamque cir-  
 cumpositam limositatem admiscet , at-  
 que simul conglutinat . Interiorem pa-  
 riter quasi dolat superficiem , pre-  
 mendo dilatat , & quisquillas ex una  
 parte redundantes alibi collocat , ut  
 Tubuli augeatur longitudo pariter , ac  
 capacitas . Ita industrius Opifex suum  
 sibi parat , & amplificat domicilium ,  
 crescenti in mole corpusculo propor-  
 tionatum . Vidi unum ex hisce Tubu-  
 lis , & ex minoribus , octidui spatio  
 effectum duplo maiorem . Alimentum  
 quarunt a limositate vitro , & latebris  
 adhærescente , & si quid ulterius nu-  
 trimenti in aqua est , eo refici non  
 dubito . Ex eorum motu interdum , &  
 ex Tubulorum augmento occasio da-  
 tur

tur reciproci inter se accessus, & tunc sibi invicem insultant, rapiuntque ex alieno domicilio particulas in proprii structuram postea cessuras. Innui superius Insecta ista nunquam toto corpusculo è latebris erupisse, sed meas hasce observationes sub finem usque Julii prosecutus, adverti eadem jam grandioris molis è Tubulis penitus egressa, & rubescentem colorem induisse. Caput istis erat quasi villosis productionibus circumdatum, quarum, barbæ ad instar, quædam pendebant sub rictu. Corpus geniculatum, & duæ in dorso prominentiæ, Alis erupturis, ut credo, exitum parabant: eoque magis, quia in aquea superficie conspicatus sum alia animalcula, eorum ita omnino figuram referentia Insectorum, quæ Perlæ, seu Libellæ minimæ, vulgari verò hic vocabulo, *Corogoli*, nuncupantur. Ad novos sub finem Julii Imbres novus Tubulorum apparatus in meo Vase sese exhibuit. Erant ii minimi, obseratis utrinque orificiis, & intus singulis suis inerat vermis, ex pelluciditate conspicuus, cæterisque superius descriptis, excepta

pta molis quantitate, non absimilis.  
 Cauda inserta adhuc visebatur nigri-  
 canti cuidam corticulæ, quam dicerem  
 reliquias ovi, unde Insectum fuerat ex-  
 clusum. Observationibus tandem hisco  
 finem feci, ad alia indaganda prope-  
 raturus, hac rei serie contentus, cuius  
 fides meis, & aliquot amicorum, quos  
 & præcipuè D. Abbatem Lucium Ma-  
 rentium, acerrimi Ingenii, exquisitæ  
 eruditionis, ac omnigenæ Scientiæ Vi-  
 rum advocavi, oculis debetur. Ut ve-  
 rò per phantasmata vividius res perci-  
 piatur, pro huiusmodi Insectorum va-  
 rietate, variz Icones, unàque explica-  
 tiones subjicientur. Quid verò Physicæ  
 eruditionis inde possit erui, acutiori-  
 bus Ingeniis disquirendum relinquo,  
 Spiritalem interim aquæ essentiam tam  
 abundè in rerum omnium Semina in-  
 fluentem, mihi admirari fas sit. In ip-  
 sius sinu suis, & cœterorum Elemen-  
 torum purioribus, subtilioribusque spi-  
 ritibus fecundo, spiritum Mundi, seu  
 Mercurium Universi elaborari, & inde  
 exprimi, quis neget? Facta ibi mole-  
 cularum intima textura, quidquid in  
 Mundo gignitur, nutritur, & crescit,  
 aquæ

aquæ potissimum debemus. Sed ut Insectis meis propius inhaeream, unde & quomodo in meo vase generata sint, statuere non ausim. Si enim ex Putri afferam, risum movebo multis; si vero ex propagato aliorum similium Insectorum semine, tanquam novitatis sectator ab aliis repellar. De posterioribus animalculis in Vase sub finem Julii conspicuis dici posset, eadem ex ovis priorum prognata; sed de prioribus illis urget difficultas. Specificam vim generatricem nemo negaverit admittendam, ex qua Materies ad eorum Insectorum Formam determinetur, & actuetur. Sed an hujusmodi vis, sicut in nobilioribus animantibus, ita pariter in his Insectis, ex propagato similium semine, necessario sit reperenda; an etiam ex combinatione subciliorum particularum, per elementorum mixturem & ut ita dicam fermentationem, sufficienter possit exprimi, in hoc investigationis cardo videtur statuendus, si plures de Nomine Quæstiones rejiciantur, & terminorum explicatio præcedat. Sed meum non est *Tantos componere Lites*. Satis sit si longè post Mes-  
forum

forum terga, procul a tumultu, & ab  
invidia, Spicas colligam. Calamum  
interim depono, Teque & Tibi, & mi-  
hi Tui observantissimo, atque Eruditis  
omnibus valete cupio, & exopto.



In-

1. Insectum adhuc parvulum a nativitate;  
membranaceo tubulo hinc inde in-  
clusum.
2. Idem Insectum extra tubulum.
3. Insectum jam grandiusculum in tubulo;  
& ipso amplificato.
4. Idem Insectum grandiusculum extra  
tubulum.
5. Insectum grande, extra tubulum; co-  
loris rubescentis, ac monstrosa figuræ.
6. Parva Perla sive Libella; nostrati voca-  
bulo, *Corogolo*, in Aquæ superficie.
7. Insectum ex recentibus natis intra pro-  
prium tubulum utrinque obseratum;  
cauda inserta nigricanti corticula,



1



2



3



4



5



6



7



